

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مَعَالِيقُ

مسلكمزه موافق آثار قبول اولنور
درج اولنمايان اوراق اعاده اولنماز.

اداره خانہ سی باب عالی جادہ سنندہ
۵۲ نومرونی « شرکت مرتبہ »
طبعہ سیدر.

استانبول ایچون سنه لکی مطبعه دن
آلفق شرطیله ۴۰ طشر دلره پوسته
اجرتیله برابر ۶۰ غرو شدرد.

نسخہ سی ۱۰ فروش

پنجشنبہ کو ہماری نشر اور امور ادبی، فنی و صناعی غزتہ در

نسخہ سی ۱ غروش

مقدار مصارف و واردات واقف اوله سی؛
برده، او اداره سیله چفتلکک اداره سی
مصارفنی کال تقید ایله ضبط و موازنه ایتمه سی
فانده دن خالی دکدر .

باغچه او خانمک نظارتی آلتنده بولنه .
جغندن آنک حسن محافظه سنه مقتضی اولان
عملیات یومیله اجرا ایتدیره یئیک ایچون
اطرافلیجه هر بر تقراتی یئیلیدر .

بر او قادینی، زوجی ایله برلکده،
چفتلککک احتیاجات ولوازمی زماننده
دوشونوب هیئت زراعی تشکیل ایدن اشخاص
متمددهنک تغذیسنه لازم اولان سبزواتی
وقت مناسبده تارلاره اکدیروب یتیشدیرتمه .
لیدر. بویله یایه جق اولورسه، آمکدن صوکره
قوای مغدیهنک اک مهمی دیمک اولان
سبزوات تدارکی خصوصنده صعوبت چکمیه جکی
کبی بوندن پک بیوک بر تصرفده حاصل
ایتمش اولور .

موسم صیفده، عملیات واسعه اجرا
اولان محالرده او خانمک ایش باشنده بولمیه سی
چوق وقتلرده الزمدر . چونکه زوجنک
هر بر یرده بولوبه میه جفی ظاهر در .

برده شونی عرض ایدلم که اجرای
حسن تصرف وایشجیلرک وقتی حسن استعمال
ایتملری امور زراعتک بر نتیجه حسنیه اقتزان
ایده ییله سی ایچون تعقیبی الزم اولان قواعد
اساسیه دن معدوددر . چفتلک اداره سنک
آچدیغی مصارفک بیوک بر قسمی یازایشلرینه
تخصیص ایدلایکندن، بوایشلرک نظر دقت
متمادیده بولوندیلمیه سی شرائط مهمدندر .

محصولاتک وقت وزمانیه انبارلره
ادخالده لابد حکمنده در. ال ایشلریله ذهنی
مشغول اوله یین بر آدم، اک انی خدمتچیلرک
اکثرا اونوتدقلری یاخود اولجه کشف و تعیین
ایده مه دکاری پک چوق شیلری دوشونه بیلیر .
بر او قادینک مشکل زمانلرده اتخاذ ایتدیکی
تدابیری، استعمال ایله دیکی وسائلی بر خدمتچی
هیچ بر وقت بوله ماز .

ایشته، بعضاً او سایه ده بر سنه چکیلن
زهاتک ثمره سی، ایشار اولنان مصارفک بدلی
دیمک اولان بر محصول بر باد اولمق تهله کسندن
قورتاریلیر .

(مابعدی وار) حسین دانسه

— — — — —

بدایع فیه و صناعیه

— — — — —

مواد سمیه واسطه سیله نباتاته عارض

اولان بوجکلرک اتلافی

قاتل الهوام دنیلن مواد سمیه نک
بوجکلرک اتلافی خصوصنده استعمالی شمده یه
قدر پک چوق منظراته سبب اولمشدر .
حقیقت! ظاهر آ تأیری محقق عد اولنان
بوکی موادک اکثریسی یالکر بوجکلری اتلاف
دکل، مزروع اولان نباتاتی ده اضرار ایدیور .
برده، چوغنک قیتی پک غالی اولدیغندن
استعمالی مستحیل اولیور. بوندن باشقه، بر بو-
جکی محو و افنا ایدن بر ماده نک دیگر بر بو-
جکده تأیری کورولمیه یور. فضله اوله رق،
اتخاذ اولنان تدابیر تدافعییه رغماً بوجکلرک
محافظه حیات و ایراث مضرات خصوصنده
کوستردکلری قدرت و مالک اولدقلری قوت
مشکلاتک برقات دها ترایدینی موجب اولیور .
مثال کوسترم:

(Silphe) بطیطلری، خالص کبریت

مثنای فحم مایعی درونته طالدریله رق بش
دقیقه قدر بر اقلدقن صوکره تکرار جو
هوایه آیلورلرسه اعاده حیات ایده یوزلر مش .
بوکا ممائل اوله رق، بوجکلرک مواد
سمیه قارشنی نه درجه مقاومت ایتدکارینی
تعیین ایچون بر چوق غریب تجربه لر یاییله رق
بونلردن نتایج آیه ظهور ایتمشدر. زیرده کی
مواددن بر بوجکلک باشنه بر دامله آقیدیلر جق

اولورسه حاصل ایده جکلری نتیجه لر شونلردر:
کبریت مثنای قالسوم — بر نتیجه کورلمیه یور.
تکشیف ایدلمش (Eau cölste) — اتلاف ایتیه یور.
شاب محلولی (بش درجه ده) — نتیجه سز قالیور.
ماء مسکن — اتلاف ایده میور .

(زاوول) خلاصه سی — دائماً اتلاف ایتیه یور.
نیقوتین (اون درجه ده) — اتلاف ایده میور.
بنزین — مفید اولیور .

لامبه غازی — دائماً اتلاف ایده میور .
ایترده یوزغرام قره صابون } چوق دفعه اتلاف ایده یور.
والی غرام پترول محلولی }

بوجکلک باشنه آقیدیلرینی صورتده ساده
پترولک ده بوجکلری اتلاف ایده جک درجه ده
تأیری کورولمیه یور .

آسید فیک، ته زه منتی، اوجاق قو-
رومی، کبریت نحاس، فحمیت سوده کی
دها پک چوق مواد استعمالیه آروپا ارباب
فنونی جانبدن بوجکلر اوزرنده متعدد تجربه لر
اجرا اولنمش ایسده اولجه بیان ایتدی کمزکی
تأیرلری جزئی مرتبه سنده قالمشدر .

بالاده کوستریلن نتایجدن قره صابون
محلولنک بوجکلرک مضرتنه قارشو اک مؤثر
بر علاج کی تلقی اولمیه سی لازمه کله جکی آکلا-
شیلیر .

مع مافیه، بوموadden هیچ بر یسنک تأیری
عمومی اولمادیغندن عموماً حوینات مضرنک
شر و خسارتی دافع بر علاج یوقدر، دنیه-
بیلیر .

برده شوراسی شایان دقتدر که نوع
هوامدن (خر شفی الجناح) صنفنه منسوب
اولان بوجکلرک مواد متلفیه مقاومتی (مغطی-
الجناح) زمره سنه منسوب اولانلر ککندن
زیاده در . هر نوع زراعت و هر بر طوپراغه
تطبیقی قابل بر کوریه بولنه میه جفی کی علی العموم
هر نوع هوامی امحا و اتلاف ایتک خاصه سنه
مالک قطعی التأیر بر دوانکده موجود اولم-
دیغی بیانات مسروده دن آکلاشیلیر .